

Serbski institut Sorbisches Institut

Wupisanje džěloweho městna

Wědomostny/a sobudźělačer/ka we wotrjedže kulturne wědomosće

W Serbskim instituće Budyšin z wotnožku w Choćebuzu ma so we wotrjedže kulturne wědomosće w blišim času wobsadzić

0,5 městna za wědomostnu sobudźělačerku/wědomostneho sobudźělačerja.

Přistajenje je wobmjezowane na tři lěta. Mzda płaći so po TV-L (E13, 50%), jeli su wosobinske wuměńjenja date.

Hłowny nadawk sobudźělačerja/sobudźělačerki je koncepcija a wobdźělanje inowatiwneho slědźerskeho předewzaća, kotryž zaběra so předewšěm z historisko-kulturnowědomostnej perspektiwy z instutionelnymi a diskursowymi zakładami a z wurazowymi formami serbskeje kultury a identity w modernje. Za teoretisko-metodisku orientaciju doporuča so njedawno w Serbskim instituće nastaty konferencny spis "Dimensije kulturneje wěstoty pola etniskich a rěčnych mjeńšinow" (Lětopis 2017/2).

Dale wočakuje so zwólniwosć ke koncepcionelnemu a wobsahowemu sobudźělu w inter-disciplinarnym teamje, přednošowanska a publikaciska džělawosć kaž tež podpěra při planowanju a přewjedženju wědomostnych zarjadowanjow a publikacijow a při nawabjenju srědkow třecich.

Na tutym městnje je móžno, so wědomostnje dale kwalifikować, na přikład we wobłuku promocije.

Wuměńjenja/kwalifikacije:

- znajmjeńša wotzamknjenje wysokošulskeho studija (magister, master, diplom abo přirunajomne) abo promocija we wobłuku stawizniskich, kulturnych, literarnych, wuměłstwowych abo medijowych wědomosćow abo na susodnym fachowym polu
- funděrowane znajomosće za tutón slědźerski kontekst relewantnych teorijow a metodow
- znajomosće na polu serbskich stawiznow, rěče a kultury so přeja
- znajomosće hornjo-/delnjoserbsčiny abo druheje zapadnosłowjanskeje rěče su za žórłowy a literarny studij z lěpšinu; wočakuje so zwólniwosć k (dalšemu) přiswojenju serbsčiny
- dobre znajomosće w jendźelščinje w słowje a pismje
- samostatne, strukturěrowane wašnje džěła a zamóžnosć, w teamje džělać

Při samsnej kwalifikaciji so na ćežko zbrašenych we wosebitej měrje kedźbuje.

Hłowne sydło · Hauptsitz
Dwórnišćowa 6 · Bahnhofstraße 6
D-02625 **Budyšin** · **Bautzen**
T +49 3591 4972-0
F +49 3591 4972-14
si@serbski-institut.de
www.serbski-institut.de

Wótnožka za dolnoserbske slěženja
Zweigstelle für niedersorbische Forschungen
Droga Augusta Bebela 82
August-Bebel-Straße 82
D-03046 **Chóšebuz** · **Cottbus**
T +49 355 48576-482
F +49 355 48576-494
cottbus@serbski-institut.de

Požadanja njech pósćelu so ze zwučenymi podložkami a z krótkej projektowej skicu (maksimalnje tři strony) hač do **5. awgusta 2018** přez e-mail (po móžnosći w pdf-dataji) do direktorata Serbskeho instituta pod si[at]serbski-institut.de. Tež pozdžišo dochadźace požadanja móža so wobkedźbować, jeli je městno hišće wotewrjene.

Požadanske rozmołwy wotměja so najskerje w 35. kalendrowym tydženju w Budyšinje. Ewentualne jězbné wudawki so přewzać njemóža.